

ՈՐՈՇՈՒՄ N 112

ՎԱՐՉԱԿԱՆ ԳՈՐԾԻ ՎԱՐՈՒՅԹԸ ԿԱՐՃԵԼՈՒ ՎԵՐԱԲԵՐՅԱԼ

«30» «օգոստոսի» 2021թ.

ք.Սիսիան

Ես՝ Հայաստանի Հանրապետության Պետական եկամուտների կոմիտեի Հարավային մաքսատուն-վարչության պետ Հայկ Միրզոյանս, ուսումնասիրելով ՀՀ քաղաքացի Արթուր Էդուարդի Հովսեփյանի /անձնագիր՝ AD0005748/ կողմից մաքսային կանոնների խախտում կատարելու վերաբերյալ նյութերը

ՊԱՐԶԵՑԻ

ՀՀ քաղաքացի Արթուր Էդուարդի Հովսեփյանը 21.06.2015 թվականին թիվ F5831 մաքսային հայտարարգրով «Ժամանակավոր արտահանում» մաքսային ընթացակարգով 365 օր ժամկետով՝ մինչև 21.06.2016 թվականը ՀՀ տարածքից ԻԻՀ է արտահանել TOYOTA LAND CRUISER PRADO մակնիշի, 440L004 պետհամարանիշի, VIN-JTEBL29J465028897, 2005 թվականի արտադրության տրանսպորտային միջոցը, սակայն խախտել հետագա վերաներմուծման պարտավորությունը:

Փաստի կապակցությամբ 26.08.2021 թվականին ՀՀ քաղաքացի Արթուր Էդուարդի Հովսեփյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199 հոդված 1-ին մասի հատկանիշներով:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական վարույթի շրջանակներում 26.08.2021 թվականին թիվ Ն/23.1/152673-2021 գրությամբ հարցում է կատարվել Ներքին անվտանգության վարչությանը՝ ՀՀ քաղաքացի Արթուր Էդուարդի Հովսեփյանի և TOYOTA LAND CRUISER PRADO մակնիշի, 440L004 պ/հ. 2005 թվականի արտադրության տրանսպորտային միջոցի սահմանահատումների պատմությունը ստանալու նպատակով: Ներքին անվտանգության վարչությունից 27.08.2021 թվականի թիվ Ն/2-3/153612-2021 գրությամբ ստացված տեղեկատվության համաձայն 15.03.2016 թվականին ՀՀ քաղաքացի Արտաշես Թումանյանը TOYOTA LAND CRUISER PRADO մակնիշի, VIN-JTEBL29J465028897, 2005 թվականի արտադրության, 80D845-10 պետհամարանիշի տրանսպորտային միջոցը

Մեղրիի մաքսային կետ-բաժնով անցել է ՀՀ և լրացվել է F1275 մաքսային հայտարարագիրը «Ժամանակավոր ներմուծում» մաքսային ընթացակարգով 30 օր ժամկետով:

Այսպիսով վարչական վարույթի նյութերով հիմնավորվում է, որ Արթուր Էդուարդի Հովսեփյանի գործողություններում բացակայում է իրավախախտման դեպքը, քանի որ 15.03.2016 թվականին՝ սահմանված ժամկետում, ՀՀ քաղաքացի Արտաշես Թումանյանի կողմից TOYOTA LAND CRUISER PRADO մակնիշի, VIN-JTEBL29J465028897, 2005 թվականի արտադրության, տրանսպորտային միջոցը վերաներմուծվել է ՀՀ, սակայն 440L004 պետհամարանիշի փոխարեն՝ 80D845-10 պետհամարանիշով: 21.06.2015 թվականին ժամանակավոր արտահանված և 15.03.2016 թվականին ժամանակավոր ներմուծված տրանսպորտային միջոցների նույնականացման համարները նույնն են, հետևաբար վերաներմուծման պարտավորությունը կատարվել է պատշաճ:


«Վարչական իրավախախտումների վերաբերյալ» ՀՀ օրենսգրքի 37-րդ հոդվածի 3-րդ պարբերության համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտնաբերվելու օրվանից երկու ամսվա ընթացքում, սակայն ոչ ուշ, քան իրավախախտումը կատարվելու օրվանից **3 տարվա ընթացքում:**

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդվածի 1-ին և 7-րդ մասերով, 37-րդ, ՀՀ մաքսային օրենսգրքի 221 հոդվածի 1-ին կետի «բ» ենթակետով՝

ՈՐՈՇԵՑԻ

1. ՀՀ քաղաքացի Արթուր Էդուարդի Հովսեփյանի նկատմամբ վարչական գործի վարույթը՝ կարճել իրավախախտման դեպքի բացակայության պատճառաբանությամբ:
2. Որոշման մասին հայտնել ՀՀ քաղաքացի Արթուր Էդուարդի Հովսեփյանին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ